

職原抄下

9

73  
2536  
2冊



7 3  
1871  
12



職原抄下

彈正臺

唐名御史臺  
又云憲臺

又云霜臺

掌糾彈事近代其職掌移于檢非違使廳至  
中古於洛中巡檢猶勤之當時已絕

尹一人

相當從三位  
改為從三位  
元從四位上  
唐名御史大夫

多任親王或大納言以上兼之勅任之官  
也頗為重職

大弼一人

相當從四位下  
唐名御史中丞

元正五位下

少弼一人

相當正五位下  
唐名同

殿上四位五位官也為顯職近來多及地



下無念之儀也

忠大 相當正六位上 唐名侍御史

六位諸大夫同侍等任之相當已高之上  
為顯職也近來為執負尉下官也不叶理

欵

疏大 唐名御史錄事 一本

九京職 唐名京兆 又馮翊

掌京中事者宅地以下悉京職之所知也  
近代移于檢非違使廳

大夫一人 相當從四位下 唐名京兆尹

四位已上任之或為公卿兼官

權大夫一人

四位殿上人諸大夫共任之於諸大夫者  
為相賞之儀

亮 權亮 相當從五位下 唐名京兆少尹

五位諸大夫任之雖六位又任之相當五  
位也不可准自餘頗為重職

進大 相當從六位下 唐名京兆司錄

六位侍任之

屬大 相當正八位下 唐名京兆錄事

相當從八位上

東市司

唐名市署

正一人

相當正六位上  
唐名市令

諸道五位六位及院典代藏人所出

綱等任之

佑

相當從七位下  
唐名市丞

令史

唐名市錄事

常不任之

右京職

同九

西市司

同東

東宮

唐名龍樓

又鶴禁

又銀榜

東宮春宮是一也然而傳學士此為東宮

官大夫以下為坊官古來如斯

傳一人

相當正四位上  
唐名太子大傳

唐朝太子有大師大傳大保又有少師少

傅少保本朝只置傳一人相當雖為正四

位上勅任官也尤為重為三公之人兼

之大綱言兼任雖多先例中古以來邂逅

也又前官大臣任之中山前太政大臣賴

實公也非常儀

學士二人

相當從五位下  
唐名太子賓客

譜第儒者有才德者應其揆依為儲君之

△賴實公三字細字

侍讀也古今重之

春官坊

唐名春坊

唐世置詹事府以統眾務又置左右春坊  
宮中事一向坊官之所掌也

以上異本註

大夫

相當從四位下 唐名太子詹事 又太子少尹或端尹

執柄息大臣子孫為大中納言人兼之諸  
大夫之納言已上無拜任之例坊中事大

夫管領也

權大夫一人

同前但諸大夫納言有兼任之例猶不為

可也

亮一人

相當從五位下 唐名太子少詹事

名家四位有入望者任之坊中事亮一向  
所奉行也

權亮一人

華族中少將兼之

大進一人

權三人 相當元從六位上 唐名詹事丞

名家五位任之尤可擇其人也大進奉行  
宮中諸公事如禁中職事仍非器用者不

任之

少進一人

權

相當從六位下

名家六位任之或雖五位猶帶之  
屬大少唐名詹事錄事

院主典代官史生等中為重代者任之掌  
坊中雜務故也

主膳監 唐名典膳局云云

正一人 相當正六位上 唐名典膳郎

主殿署 唐名典設局云云

首一人 相當從六位下 唐名典設郎

主馬署 唐名廐牧署

首一人 相當從六位下 唐名廐牧令

主膳者膳部之家任之欵但近代不必  
任之內膳司即兼知坊中御膳之故欵  
主殿主馬者重代侍等所望補也此外  
坊中有藏人非藏人是坊中之沙汰也  
重代諸大夫補之藏人者勤仕日下臈  
事如禁中仍撰其人也又帶刀者撰重  
代侍補之自公家被補之也昔者源平  
重代武士多補之  
長木近來一人先生是也連此人  
此內木鳥左右各一人

伊勢齋宮寮

頭一人 無權官 相當從五位下

異本并△三十三

四位五位殿上人若諸大夫任之

助權 相當正六位下

允大少

屬大少

賀茂齋院司 無唐名

長官 相當從五位下

次官 判官 主典

<sup>全外</sup>修理職 唐名匠作 掌宮中修理事

大夫一人 相當從四位下 唐名匠作大尹

四位已上任之或公卿任之

權大夫一人

四位五位殿上人任之或諸大夫任之頗

規模也

亮權亮 相當從五位下 唐名匠作少尹

諸大夫任之相當五位也然而六位又任

之諸司四分中頗為重欵大膳左右京修

理之外無當五位之四分然而近代以左

右京為重其次修理其大膳也但大膳

亮頗劣也

進大少 唐名匠作丞 六位侍任之



屬

唐名匠作錄事

筆師

唐名匠作計史

勅解由使

云句勅是強非唐名取義歟

長官

相當從四位下

四位已上任之多者參議二位三位任之

次官

相當從五位下

名家五位任之頗為顯官仍一向地下諸

大夫等不任之

判官

相當從六位下

六位侍任之但聊堪右筆者所望任也為

顯職之故也凡顯職者無指事之輩拜任  
無念之義也顯職者外記官史式部民部  
丞彈正忠勅解由判官等也左右衛門尉  
猶雖為顯官於今者不及沙汰

主典

相當從七位下

鑄錢司

近代常不任之可任者官外記諸道中當  
其仁歟

長官

次官

判官

主典

修理宮城使

左右

使 辨官兼之 多者九右中辨兼任之

判官 官史常兼之 主典

造寺使 東大興福等兩寺外無此号

長官 東大寺者大辨必兼之 興福寺者南曹辨兼之

次官 東大寺者一史兼之

判官 主典

防鴨河使

使 廷尉仇必兼之

判官 同尉志等兼之

已上除自任之

主典

春秋除目悉所載大間也外記錄闕官取

大間兵

施藥院使 司儀令

使 醫道四位已上<sub>下</sub>任之 為彼道重職也

判官 主典

件職性古藤氏長者宣也近代勅補歛但

不載除目宣下官<sub>如此</sub>

宣下官<sub>△三十一</sub>

檢非違使 此云使廳 本所乃教員廳也

淳和天皇御宇天長年中初置之異朝尤重

此職昔唐虞代皋陶為士此云大理周禮立  
官之曰大司寇即此任也後代置大理寺本  
朝又以刑部省為糾判之官天長年中准唐  
朝置使廳蓋是大理寺也但別當以下為  
宣下職為衛府之人補之又書位署之時不  
書此職号是流例也又別當宣者則廳宣也  
古來被准勅宣仍天下重之違背廳宣者  
可准違勅云云又當使補看督長六十六  
人此為遣諸國也云云朝家置此職以來衛  
府追捕彈正糾彈刑部判斷京職訴訟併歸

使廳仍為國家之樞機歷代以為重職者也  
別當一人 唐名大理卿

參議已上尤擇其人也補此職之人必帶  
衛門兵衛督往古有參議中將補之例雖  
非參議補之中古以來更無其例昔為大  
將之人補之又例仍至大納言帶此職  
近代又未聞事也仍中納言大理任大納  
言之日必去其職是流例也世俗說補大  
理之人可備七德所謂譜第器量才幹有  
職近習容儀富有云云有刺事欵又昔者

諸大夫不任之而光祿卿初任之其後連綿欵參議大理者遇納言關之時必任之上首參議縱雖為英雄不相爭事也但參議大辨者勞効等同仍或同時登用或互有超越之例是可依勞之淺深欵又參議中將勞効久者自相爭也然而近代以別當為其最也

佐二人 左右 唐名廷尉

為左右衛門權佐者蒙使 宣旨正佐為廷尉之例邂逅也又上言有中少將蒙

宣旨之例凡廷尉佐者名家譜第之中清撰之職也昔者廷尉佐著大理廳屋中古已來不着之於使廳政者佐以下着行也

尉 稱之判官

左大尉二人 右大尉二人

左右少尉 近代負數不定

明法道儒必任之上古其流不一中古以來坂上中原兩家為法家仍必任之於少尉者追捕輩各任之至大尉者多明法道所任也但殿上藏人為廷尉者間任大尉

追捕者武士重代者并諸家恪勤中殊撰  
重代器用所被補也真實追捕犯人関其  
賞者希事欵非明法而補之稱追捕是世  
俗之所云傳也又源平武士雖諸大夫多  
補之大夫尉源義經者刺爲昇殿廷尉云  
云又六位尉叙五位時多者去之明法道  
者必叙留其外輩依殊息令叙留也但近  
代每人叙留違舊例也又左右尉者必左  
右衛門也至大理者衛門兵衛依闕事也  
佐尉志者必衛門也但近衛兵衛邂逅有

例云云

志

左 大少

右 大少

明法道輩六位時任衛門志即蒙使 宣  
旨也非成業輩轉任爲規模稱非成業者  
院主典代廳官太政官史生藏人所出納  
諸家下家司中譜第器用者先任左右衛  
門府生蒙使 宣旨也武勇家并追捕輩  
者不任之凡志者奉行使廳諸公事之故  
以當道爲其撰此号道志也

府生九右

府生者非ス 奏任官仍府督判授之後申  
下使ス 宣旨者也

藤氏長者

蒙攝政關白詔之人為其仁仍別不及 宣  
下也但宇治九大臣賴長公非攝關為長者  
宣下之例初於此字

源氏長者

為學院別當之人即為長者而近例為前  
大臣有為長者之人仍被下 宣旨字

學院別當

源氏公卿為第一之人補之為ル 綱言之時多  
兼學淳和兩院任大臣日以淳和院與奪  
次人於學院者猶帶之是流例也但兩院  
別當事中院右大臣之時永可付彼家之由  
有 鳥羽院勅定云云然者他流人縱雖為  
公卿上首不可及ラ 競望事歟

淳和院別當 同上

學館院別當

橘氏之中補之此号長者凡稱氏長者王氏

源氏藤氏橘氏有此号王氏者性古之創親  
王為其長近代為王氏之者第一稱之藤氏  
者執政為其長源氏者見任大臣納言中為  
第一人也橘氏者昔橘家有昇納言已上之  
人仍為長者而其家衰微之後雖有長者号  
只知學館院領許也於氏爵者是定人舉之  
是定者擇其人被下宣旨也近代九條流  
被傳之仍他人不望之依之橘家皆屬彼家  
云云

内豎所別當

知内豎所事

一人必為其仁他人不望之

内教坊別當

知女樂事

大中納言中堪其道之人補之

内膳別當

知内膳司事

大中納言中補之

御厨子所別當

内藏寮頭補之

大歌所別當

知大歌事

納言已上補之上古親王之中又補之

記錄所

山

5

上卿 〇 辨 開闔 寄人 〇

已上依 宣旨行其事但於上卿辨者可  
令行記錄所事之由被 宣下也

樂所別當 知樂所事

堪其道之公卿補之

大學別當

親王大臣納言中補之近代中絶畢

藏人所

嵯峨天皇御宇弘仁年中初置之模異朝侍  
中内侍等職欽波侍中尤為重任内侍者宦

者之任也或有早之代或有貴之時古來宦  
者知事先賢之所謗也唐玄宗以内侍高力  
士為一品將軍爾降内侍執文武之柄遂亡  
唐祚依之執政之官太惡宦者云云本朝不  
必然弘仁以往少納言及侍從為近習宣傳  
之職而此御宇初置當所以公卿第一人為  
別當充大臣為別四位侍臣中殊撰其人為  
頭但上古有五五位中又撰補三人六位  
中又撰補四人謂之職事又為要籍馭仕六  
位中又撰良家子令候殿上謂之非藏人凡



殿上事頭以下職事所奉行也依之聽昇殿  
輩併以頭為貫首雖位階上臆必著其座下  
是流例也但非參議大辨猶不着其下云云  
重其職故欵執頭之輩雖大辨猶著其下也  
別當

為公卿第一之人補之世俗稱一人者執  
柄也一人一所稱之於禁中者殿稱之  
衆人殿下稱之自往省無異儀稱一上者  
執柄之外第一大臣也當所別當一上所  
補也是執柄依執天下之政無其暇仍官

中諸公事併與奪次大臣之故以次人為  
一上也殿上事准之可知之

頭二人

仙籍 貫首

四位殿上人中清撰之職也辨方一人近  
衛司方一人補之常例也凡頭者當職之  
時不依位次著諸侍臣之上有參議闕者  
必任之仍古來為重職又奉行大小公事  
之間非器無才之輩不能競望者也以之  
恩之雖末代可謂清撰欵昔東三條攝政  
為殿人頭叙三位帶中後任中納言猶為

歲人頭希代之例也

五位歲人三人

唐名仙郎

或夕拜郎

五位殿上人中名家譜第殊撰其器用所  
補也補當職者次第昇進已為恒規是故  
以補當職已為出身之初云云常例先任  
八省輔治民次任勘解由次官次任廷尉  
依次補五位歲人次任辨官是順路也補歲人  
之日帶廷尉一是第一勘解由次官二是第二省  
輔等三是第三以之知朝幣之淺深也自廷尉  
仇補歲人兼辨官此為至極之朝幣所謂

三事兼帶頗選中之選也次補歲人頭猶

辨是又清撰也君雖稟其家非其器者去辨任他官也是故頭辨為規模次任

參議有其闕者歲人頭故也又公達為中

少將侍從之輩有誓古之人望補此職是

為表其才也不練習舊章不稟受口傳者

尤可有斟酌也至于今非其才補其職者

忽招耻辱殆失於身者也頭及五位歲人

必聽着禁色拜賀以前被下宣旨例也

但自本聽禁色之人更不及宣下

六位歲人四人

重代諸大夫中不放埒有器量之輩補之  
地下諸大夫多以之爲先途雖五位已後  
以歲人五位爲規模之故也歲人者不依  
年齒老少以當參次第定上下至于極臈  
者必須巡爵若有奉公之志者除其籍更  
加末座也六位歲人奉行禁中細細公事  
朝夕御膳等事稱之日下臈也四人分日  
令奉行故也六位職事又聽禁色至極臈  
者着麴塵袍是申下御服之儀也晴時雖  
下臈着之第二臈稱之差次第四稱之新

歲人也

非歲人

無負數

重代諸大夫中未補歲人之間先遂昇殿  
此云非歲人又云非職之者不奉行公事  
不着禁色已上 宣下之職也但歲人者  
頭以下非上卿奉 勅之宣所謂內侍宣  
也管領職事承仰召仰出納令告知其人  
也歲人頭已下六位歲人已上書位署之  
時書加其名是古來之例也

出納

小舍人

以上皆有重代經歷輩

雜色 良家子補之

所衆 六位侍可然輩補之

瀧口 同上堪武勇之輩可補之云云

諸國

神武天皇即位之初繼神代之蹤都日向國宮崎宮此時天下草昧封域未定東征之後初平中州定都於大和國橿原宮爾來開四門朝八方歷代因准漸開諸道第十代 崇

神天皇十年遣使於四方所向皆以臣伏同年十月更命四道將軍進發云云第十三代

成務天皇四年始定國造同六年始分國境國造乃國司名後改云守也凡國司之撰和漢重之此云烹鮮之職又云分憂之官漢宣帝稱曰與我共治者唯良二千石字云云誠是當一方之重寄察百姓之寒若非庸才之所可企望故昔時固設格制以勘治否合格者蒙賞違格者被黜是所以擇良吏也大國

守

有權守

相當從五位上

介

有權介

相當正六位下

掾

大少

有權大掾

相當正七位下

目

大少

有權少掾

相當正七位上

上國

相當從八位下

守

有權守

相當從五位下

介

有權介

相當從六位上

掾

有權掾

相當從七位上

目

相當從八位下

大上國守相當五位也依之其身雖六

中國

位除目之時執筆之人押以書從五位

下不待勅處分者也

守

相當正六位下

介

官位令中國無介

掾

相當正八位下

目

相當大初位下

下國

守

相當從六位下

掾

相當從八位下

目

相當少初位下

唐名

守

刺史  
牧宰  
司馬

使君  
國宰

宰吏  
太守  
主簿

介

長吏  
別駕

掾

目

郡司

縣令

凡國司者相當五位已下也然而雖四位已上或隨其望或應其撰古今之例也或說歷七箇國受領合格之吏勒公文畢拜參議云云白河院仰但可依其才云云又太守者為親王置之親王任時不知吏務仍件國以介為守乃令知吏務也權守

者近代多是遙授之官也參議二三位中將少納言等必兼之又殿上六位藏人叙位之時預爵者即任權守又例也納言以上貶謫之時任諸國權守也仍常儀參議兼國任納言之日即止之介權介者辨官

近衛中少將等兼之

畿内

五箇國此云五畿

山城上

大和

河内

和泉下

攝津上

東海道

十五箇國

伊賀下

伊勢大

志摩下

高橋氏為内膳正者任之仍他人不任之

尾張上

參河上

遠江上

駿河上

伊豆下

甲斐上

相模上

武蔵大

安房中

上總大

有太守下總大

常陸大 有太守

東山道

八箇國

近江大

美濃上

飛驒下

信濃上

上野大 有太守

下野上

陸奥大

出羽上

陸奥出羽按察使府

按察使

相當從四位下唐名都護

近代納言已上兼之

記事

唐名都護錄事

鎮守府

見武官下

將軍

副將軍

軍監

軍曹

陸奥者上古以來為邊要為其國境廣

元明天皇和銅五年九月分置出羽

國元正天皇養老二年置按察使令

監察兩國事聖武天皇二年陸奥國

内又置鎮守府府國相並行國事云云

秋田城

介

為出羽介者兼之除目  
不任之被宣下也  
七箇國

北陸道

若狹中

越前大

加賀上

能登中

越中上

越後上

佐渡中

山陰道

八箇國

丹波上

丹後中

但馬上

因幡上

伯耆上

出雲上

石見中

隱岐下

山陽道

八箇國

播磨大

美作上

備前上

備中上

備後上

安藝上

周防上

長門中

南海道

六箇國

紀伊上

淡路下

阿波上

讚岐上

伊豫上

土丸中

西海道

十一箇國然云九國二嶋  
除二嶋云六箇國二嶋  
帶筑前國當唐大都督府

太宰府



聖武天皇天平十五年始置筑紫鎮西府  
先是有太宰府号云天平寶字二年  
勅諸國司以四箇年為任限寶龜十一年  
勅太宰任限為五箇年云云凡當府都管  
九國二嶋別帶筑前也  
帥 唐名都督 相當從三位

勅任官也多是以有品親王任之親王  
任之者權帥若大貳知府務而已

### 權帥

納言以上若前官任之中古以來例於

正帥者擬親王官兼府務人任權也或  
又任正依時宜欵為大臣之人凡遷之  
時任權帥然而不可知府務也凡於帥  
者令條所定已為高官仍重其仁雖華  
族又任之

### 大貳

無權官

相當從四位下  
唐名都督大卿

近代例多以參議散二三位等任之非  
參議四位又有其例有權帥者不任大  
貳任大貳者不任權帥雖無其謂已為  
流例多是以各家人任之

少貳

有權官

相當從五位下  
唐名都督少卿

殊撰其人任之

監

大少

相當正六位下  
相當從六位上

唐名都督郎中

六位侍任之

典

大少

相當正七位上  
相當正八位上

唐名都督錄事

監典者公卿給時間依請任之多是府

中有緣之輩任之稱府官是也此外博

士竿師大唐通事等上古任之中古以

來斷絕仍略之

筑前

上

雖為都督所帶  
守已下官如例

筑後

上

肥前

上

肥後

大

豐前

上

豐後

上

日向

中

大隅

中

薩摩

中

謂之九國

壹岐

下

對馬

下

謂之二嶋邊要

已上諸國司謂之外官然而文官之列

也

諸衛

九右近衛府

當唐羽林

又云親衛

九者近衛中衛也 平城天皇御宇大同二

年 勅以近衛為九近衛以中衛為右近衛

唐朝殊重此職統領諸宿衛禁軍故也本朝

又為重任

大將

相當從三位 唐名羽林大將軍 常云幕府 又云幕下 又云大樹 摠以將軍之稱也

非譜第之華族者更不任之多是  
大納言中譜第上臈任之於執柄息者  
起次第所任也又多被任九也至  
大臣帶之為規模又中納言任之  
於凡人者彌為眉目參議時任之  
例後二條閑白師通公也非參議  
人任例氏宗公也近代不可有此  
比量者欵又任大將人其職掌大  
略同大臣只守

位次著座許也其外內外作法不混餘人者也

中將

權中將 相當從四位下 唐名羽林中郎將 親衛中郎將 或云虎賁中郎將

華族四位任之執柄息若一世二世源氏  
中納言時兼之凡人兼之實朝公是也非  
常之極也清華之人參議時兼之中絕家  
兼帶為無念之儀也二位三位中將非大  
臣子若孫者不任之至二位中將者執柄  
息外希例也五位時任之執柄息外不可

然云云英雄大臣息任之近代事也非大  
臣子孫任之隆房卿等是也其外強雖非  
英雄重代拜任家有之

少將

唐權少將 相當正五位下  
唐名羽林 次將 親衛即將

五位殿上人中為譜第公達者任之叙四  
位時去職但叙留者是殊恩也近代每人  
叙留又四位後拜任又常事也三位少將  
者執柄息常被任之又歲人頭時為少將  
是古例也又辨官兼之公達中有才名人  
事也近代殊執之少納言兼任又希例也

將監

相當從六位上  
唐名親衛校尉

六位諸大夫任之五位時叙留隨分執之  
舞人樂人等任之即又叙留定事也然而  
諸大夫者執之是各守故實故也六位侍  
任之或執之或不執之凡者不打任事也  
於叙留者更無其例

將曹

相當從七位下  
唐名親衛錄事

舞人樂人近衛舍人等任之

府生

唐名衛史

同前 大將判授之

番長

近衛舍人中撰用之  
上皇執政若給兵仗大臣及左右大将必  
召仕之大納言大将不召仕府生大臣大  
将以上召加府生也

外衛

左右衛門府

唐名金吾 又云監門

元者衛士府 嵯峨天皇御宇弘仁二年十

一月改云衛門府

督一人

相當從四位下  
唐名金吾將軍

左衛門督者為中納言參議之人兼任之

近代無非參議任之例

但源賴家朝臣任  
左衛門督別儀歟

四府之中殊執之

右衛門督者雖非參議任之但近代無非

參議四位任之例

仇一人

相當從五位上  
唐名金吾次將

五位殿上人中任之

權仇一人

名家譜第撰其人任之必蒙使 宣旨又  
必可補殿人故也

尉

大少 相當從六位上 相當正七位上

唐名金吾校尉

顯官也仍六位諸大夫并侍尤可擇其仁也近代不及是非沙汰可謂無念其中蒙使宣旨者至于今為異他之儀又五位後叙留檢非違使之外未聞其例

志

大少 唐名金吾錄事

見檢非違使篇

府生

唐名金吾衛史

或監門衛史

左右兵衛府

唐名武衛

督一人

相當從四位下 唐名武衛大將軍

中納言參議散二三位非參議四位等皆

任之

佐一人

相當從五位上 唐名武衛次將

權佐一人

五位殿上人中可然之輩任之但英雄強

不望之即任少將故欵

尉

大少 相當從六位下 相當正七位上

唐名武衛校尉

六位諸大夫并侍任之侍者自當府尉多轉衛門也諸大夫不必然

志

大少 唐名武衛錄事

非要官仍府官之外強不任之

府生

唐名武衛史

同前

左右馬寮

唐名典廐

頭一人

相當從五位上  
唐名典廐令

四位五位中可然之輩任之知寮務時尤為重職

權頭一人

五位殿上人諸大夫共任之於諸大夫者

尤為清撰之職

助一人

權助一人

相當正六位下  
唐名典廐少令

五位諸大夫任之其撰超于他諸司助也

五位侍任之太備眉目者也

允

大少 唐名典廐丞

近代六位侍任之瀧口給官時任允是例

也

屬

大少 唐名典廐主事

兵庫寮

唐名武庫署

頭一人

無權頭

相當從五位上  
唐名武庫令

五位諸大夫任之

助

權

相當正六位下  
唐名武庫少令

六位諸大夫任之

允

大少

唐名武庫丞

六位侍任之

屬

大少

唐名武庫主事

外武官

將帥之職古今重之所以分閫外之權也漢書云馮唐曰王者遣將跪而推轂曰閫以內寡人制之閫以外將軍制之軍功爵賞皆決於外云大将謂之元帥出九傳其居處謂之幕府漢書註將軍職在征行無常處所在為治故言幕府云又稱將帥云麾下又云戲下漢書師古曰戲諸軍之旌麾也云又將帥有賜節鉞之制節度者所以示其信也

斧鉞者所以專刑戮本朝將帥之任起於神

代也其初 天照太神欲降天孫於豐葦原

中國之時遣經津主神又云齋主神健雷神

鹿鳴神令平諸不順者云大物主神帥八

十萬神昇天 天神勅曰宜領八十萬神永

為皇孫奉護乃使還降之云一書曰事代

主神八萬四千鬼類大神將也云又云大

伴連遠祖天忍日命帥來目部遠祖天穗津

大來目背負天磐鞞臂着稜威高鞞手提天

扼弓天羽羽矢及副持八目鳴鏑又帶頭槌



劍而立天孫之前云云神代之制粗可見矣  
至于人代 神武天皇東征之日物部氏祖  
道臣命為軍帥古稱武士云物部起於此云云 崇神天皇  
十年命四道將軍遣四方云云將軍之号正  
起於此欵其後 景行天皇四十年以皇子  
日本武尊為大將軍以武日命武彥命為左  
右將軍東征蝦夷云云爾來征行之日命將  
軍不可勝計我國平定新羅高麗百濟之後  
百濟尤納懇欵依之彼國置日本府遣鎮守  
將軍治之云云然乃建將軍府之初在此乎

年紀猶可勘入 聖武天皇御宇陸奧國置鎮守府  
初任將軍遣之若是本朝置軍府之初欵征  
夷征東等臨時置之不聞有其府也

### 鎮守府

將軍一人 相當從五位上 唐名鎮東將軍

古來尤為重寄非武略之器者不當其仁  
仍代代稱將軍者鎮守府將也中古以來  
為陸奧守者多兼鎮府不可必然事欵守  
者宜擇吏幹之才將者須用藩鎮之器故  
也又昔並置府國依恐于地廣而在邊要

也以信夫郡以南租稅充國府之公廨以  
新田以北稻穀充鎮府之兵糧云云見格  
又邊要之中以陸奧為最仍此國昔置五  
千人兵也是皆可屬鎮府乎建武三年  
勅三位已上為當府將軍者可加大字者  
云云是依國請奏被下 宣旨也將軍相  
當五位也三位已上位高職下依之申加  
大字而已

副將軍二人

中古以來不任之

軍監

相當正七位下  
唐名兵曹參軍事

軍曹

相當從八位上  
唐名上鎮錄事

堪武勇之士可補此職欵近代於軍曹者  
公卿給之時間申之無其謂事也

倭仗二人

擇重代武士補之將軍判授之官也凡倭  
仗者陸奧守同給二人按察使給四人云

征夷使

大將軍一人

征夷者始於日本武尊每有兵事遣將帥  
也粗見舊記未置鎮守已往東征人或為

按察使或為鎮守將軍文屋綿九以來有  
征夷將軍之号云云愚案於鎮府者已有  
鎮將依之重遣將帥之日臨時加征夷号  
欽坂上田村九者稱征東將軍平將門叛  
亂時參議右衛門督藤原忠文朝臣任征  
東大將軍其弟仲舒源經基為副將軍發  
向其後征夷号久以中絶源義仲朝臣京  
上暫執兵權之日任征夷將軍云云其後  
又權大納言右近大將源賴朝卿辭兩職  
歸東國之後有勅被任征夷大將軍爾

來連綿賴家朝臣自少將之時兼之又實  
朝公自兵衛佐之時至大臣兼之彼流斷  
絶之後藤原賴經卿下向元服已後即任  
之其子賴嗣卿又任之中務卿宗尊親王  
下向以後四代親王任之元弘一統之初  
兵部卿護良親王暫任之其後上野太守  
成良親王令兼之給建武三年二月被止  
其号畢凡賴朝卿補之後依重征夷之任  
不並任鎮府元弘以來被並任畢建久以  
來未任副將軍於軍監軍曹者時時請任

云云

### 親王

皇子立親王是為恒規雖襁褓童體被蒙  
宣旨也元服之時叙品當代后服親王者三  
品自余者四品云云或又後日叙品皆有例  
童體及無品親王者無任官之例又無給姓  
之人更為親王者不改本位乃為品但不分  
正從者也 皇孫親王非常之儀也然而近

來及數輩畢忠房親王為三世源氏被蒙  
宣旨世以為未曾有但一向為 後宇多院  
御猶子云云如此事不足為例凡親王者其  
次在大臣之上而其禮等同也至殊禮者可  
依時宜當代親王及治世 上皇御子貴重  
不可混余事也

### 公卿

攝政關白及三公是公也散一位及三位已  
上是卿也參議者雖四位猶卿也但召名猶  
稱四位也

諸王

雖一世二世未為親王未給姓者皆諸王也  
叙位已後無王卿之差別守位次者也

諸臣

四位已下初位已上惣云諸臣也公卿諸臣  
中又分別之者有四等

先一人者

當時兩流也法性寺入道閑白後胤近衛九  
條是也近衛流又分為二九條流又分為三  
雖其一族不被遂先途者諸大臣家不可有

差別又雖未遂先途被受其家督之人優恕  
無異儀又又被見在之時者雖末子猶加其  
禮云云

公達者

三家等華族也稱三家者中院具平親王子

云土御門流雅定大閑院九條右大臣師輔

臣以後有中院号閑院公十一男公季大

臣子孫也彼大臣号閑院太政大花山院極

臣當時雖為三流惣云閑院也此外大炊御

閔白息家忠大臣稱花山院也右

大臣仍其子孫云花山院也此外大炊御

門流雖別流世存花山院一家之由以此

三流為華族公達也但當時雖皇子皇孫賜

姓昇大臣大將若執柄息中雖不遂先途令  
相續將相者即又清華勿論事歛近代依無  
其人三家頗成英雄之思者也將又雖不至  
將相經歷近衛次將昇納言已上家家又公  
達之列也於不放埒之輩者隨分皆稱雄乎

諸大夫者

六條修理大夫顯季餘流此号四條隆房大  
納言初任近衛將以來昇進多如公達之家  
又稱名家者大藏卿為房餘胤兩流号勸修  
寺葉室參議有國子孫又有兩流号大福寺

曰野

但此流  
儒門也

中納言親宗子孫平氏等是也

經歷侍中辨官昇大中納言多執院中權故  
振威勢頗有鷹揚之思歛然而累代為執柄  
家家司職事不遁名家之号此外南家式家  
菅江之儒或昇進或沈淪然而登用之時准  
名家被召仕流例也又源平兩家武士中源  
氏者賴義義家後胤平家者正盛忠盛等餘  
流於今者  
斷絕自古諸大夫一列也或又候執柄  
及諸大臣家輩六位時補侍中五位已後參  
院上北面刺聽院內昇殿家家不可勝計如

之官外記醫陰伊勢齋主等諸大夫一列也  
且正本系且隨行狀有其沙汰事也凡公達  
諸大夫之号起於執柄事也云云執柄一門  
及可然人人子孫謂之公達縱雖累代家礼  
之人不失其名号欵諸大夫者正補彼家司  
職事列家僕之輩之後胤也云云

### 侍者

此抄所稱五位六位侍頗不古體欵但准  
近日之俗所号之也弘安之比被定書札礼  
之時被書五位六位下北面畢又公家稱諸

司官人是也凡稱侍者親王大臣以下諸家  
恪勤之名也此中賞譜第賤放埒事古來之  
儀也諸大夫之家者不仕諸大夫仍世會之  
名家殊撰仕重代侍云云抑至武士者昔無  
不屬源平兩家者其子孫皆稱譜第錄倉右  
大将同右大臣昇将相之後諸大夫後胤或  
新加之輩雖立本秩自列昇進重代武士强  
不存差別云云兩家元諸大夫也其時已入  
肩成一列之好故欵官位昇進事彼此各可  
因准先例不應任雅意者也此外本所侍品

或列諸道或傳一藝之輩種類繁多不遑羅  
縷矣

職原抄下卷終

或人請聞官位昇進之次第欲傳口實可  
似臆說欲貼手澤有慙來者予從出俗塵  
已移十年之寒暑况在逆旅不蓄一卷之  
文書每事荒忽恰如蒙盆上章執徐之春  
夾鐘候豫之日強而涿翰聊以終卷見引  
餘習不顧後嘲耳

此兩卷中多定種姓頗乖舊記定招後  
難欵然而抄出之本意為示干初心也  
且家家之勝劣人人存知只任道理不



加今案抑歷名次第親王公卿諸王諸  
臣也今又以一人公達諸大夫等分別  
之也

正一位

唐名文散位

天平勝寶二年以從一位九大臣諸兄始叙  
正一位其後藤原押勝同永平等公叙之此  
外無存生例皆以贈位也

從一位

唐名開府儀同三司

天平十五年右大臣諸兄始叙之大臣以十  
年勞必叙一位或又依時議叙之前大納言  
叙例弘安六年基具公始叙之其後皆以可  
然人人叙之現任大納言叙例嘉元三年具  
守公也近代宣房卿叙之已來名家輩多以

叙之可謂無念

正二位

唐名特進

或上柱國

大寶九年以九大臣正廣三多治比嶋真人

改正廣三始叙之

從二位

唐名光祿大夫

文武五年以大納言正廣三阿倍御主人始叙之攝政關白大臣納言參議叙之散正二位始延久師成卿同從二位正曆成忠初也二位中將始賴宗公也攝關子及孫得之只人俊房通光公等也又少將永久教實始之

或又侍從叙之

祐家

儒道宿苑公卿以下皆

叙之者也

正三位

唐名金紫光祿大夫

文武五年以中納言直大一石上麻呂叙之

從三位

唐名銀青光祿大夫

和銅二年以長屋王始叙之 文武四年中

納言大神高市丸叙之近衛中將者兼和二

年源信公

正三位任

始叙之依彼例東三條

關白

兼家

始為三位中將其後執柄凡人息

皆叙之少將者宇治關白始之

或御

其以後

執柄息時時叙之孫忠規模事也抑散三位

者儒道神祇者尤得之家卿順德院御記曰近

年諸大夫生公達或上或下一面趣此境如

雲霞所謂離二道中將信輔敦兼通基等濁

流捨文南家捨武平家及事潤屋清隆邦綱

等輩去辨去中將山中昨木之類也何況塵

土出身始清華零落終萬人以此境為道仍

近年世人号三位淵云云

正四位上唐名正議大夫歲人頭及賀安兩家陰陽道神祇輩外記史

等宿老叙之

正四位下唐名通議大夫

從四位上下唐名上中大夫

貴賤任次第叙之無殊子細法曹輩及侍叙

四位隨分抽賞之儀也

正五位上唐名中散大夫

五位職事及外記史明法道等叙之如正四

位上

正五位下唐名朝議大夫

從五位上下唐名上朝請大夫

唐名下朝散大夫

是又無別儀外從五位下叙內階載入內勅  
文

正六位上 唐名朝議郎

藏人及少外記少史侍等叙之外記史等以  
六位十年勞叙爵其餘相當見右

正六位下 唐名兼議郎

從六位上下 唐名上奉議郎  
下通直郎

子細大略同右

以上十八階訖

正七位上下 唐名上朝請郎  
下宣德郎

從七位上下 唐名上朝散郎  
下宣議郎

九右少史少內記陰陽漏刻博士助教明法

博士大上國掾等七位相當也

正八位上下 唐名上給事郎  
下微事郎

從八位上下 唐名上兼奉郎  
下兼務郎

采女主水佑中下國掾八位相當也

正九位上 唐名儒林郎  
中國目等相當也

大初位上下 唐名登仕郎  
相當同之

少初位上下 唐名上文林郎  
下時仕郎

下國目等相當也

已上三十階訖

院廳

大別當

大臣公卿清華之人任之

執事

名家之人任之

年預

同前

判官代

諸大夫任之

主典代

廳官宿老任之

官人

云廳官

代字限院中者也宮宮者宮司等在之

親王執柄大臣家

謂之政所

別當

諸大夫宿老任之

令

重代之侍任之

知家事

下家司也

大從

同上

少從

同上

大書史

同上

小書史

同上

此抄者北畠准后大納言源親房所集也百官之始末諸家之勝劣殆如指掌宜着眼耳  
桃華老人

女官

太皇太后宮 皇太后宮 皇后宮

中宮 女院 國母 內親王 女王

女御 女御代 御息所 更衣 北政所

御臺盤所 御匣殿 宣旨 藏人

命婦 女官 主殿 得選 刀自

東豎司 雜仕 上童 下仕

內侍司

尚侍二人

相當從三位 掌供奉掌侍奏請宣傳檢校女禮兼知內外命婦朝參及禁內

典侍四人

相當從四位 掌同尚侍唯不得奏請宣傳若無尚侍者得奏請宣傳

掌侍四人

相當從五位 掌同典侍唯不得奏請宣傳

女孺一百人

藏司

尚藏一人

掌神璽關契供御衣服巾櫛服翫及珍寶絲帛賞賜之事

典藏二人

掌同尚藏 掌出納絲帛賞賜之事

掌藏四人

女孺十人

書司

尚書一人  
典書二人  
女孀六人

掌供奉內典經籍及紙墨筆几  
案絲竹之事  
掌同尚書

藥司

尚藥一人  
典藥二人  
女孀四人

掌供奉醫藥之事  
掌同尚藥

兵司

尚兵一人  
典兵二人

掌供奉兵器之事  
掌同尚兵

女孀六人

闈司

尚闈一人  
典闈四人  
女孀十人

掌宮闈管鑰及出納之事  
掌同尚闈

殿司

尚殿一人  
典殿二人  
女孀六人

掌供奉輿織膏沐燈油火燭薪  
炭之事  
掌同尚殿

掃司

尚掃一人

掌供奉床席灑掃鋪設之事

典掃二人

掌同尚掃

女孀十人

水司

尚水一人

掌進漿水雜粥之事

典水二人

掌同尚水

米女六人

膳司

尚膳一人

掌知御膳進食先嘗揔攝膳羞

典膳二人

酒醴諸餅蔬菓之事

掌膳四人

掌同典膳

米女六十人

酒司

尚酒一人

掌釀酒之事

典酒二人

掌同尚酒

縫司

尚縫一人

掌裁縫衣服綦組之事兼知女

典縫二人

功及朝參

掌縫四人

掌命婦參見朝會引導之事

右諸司掌以上皆為職事自餘為散事各



每半月給沐暇三日其考叙法式一准長上之例東宮宮人及嬪以上女豎准此

上薦

不謂是非二三位典侍号上薦着赤青色候御陪膳也不補是等職聽色大臣女或大臣孫也孫猶或不聽或聽之禁中無小路名仍雖最上号大綱言上古可然人女皆為女御更衣只宦仕花族人不為最上事但又有例非耻新院御時督三位女按察三位雖為三品不入夜御殿不取圓能

劔璽也是僧女故也近代三位濟濟東宮并親王御乳母又無何院女房等皆叙三位力不及事欵仍禁中濟濟又有何事哉是近代事也先帝典侍當時姿着禁色參內可止事也權中綱言狂者頻豫參不可例建曆九衛門督局親兼依院御許着禁色是過分事也但別儀也其後又中宮宮女房按察正雅綠僧是又着禁色參是別儀欵但如此事亂政也但自中宮御方時時參之間無何非不可脫建曆比家經

卿女不聽之親兼卿女聽之是非道甚也  
但別儀中中不能子細

小上臈

不謂善惡公卿女号小上臈着織物并表  
着也侍臣女依儀公達女勿論諸大夫公  
卿孫或為小上臈或為中臈也可依父官  
欵僧女依俗姓假令俗姓生公達者公卿  
遠多為小上臈近兵衛院御又當時大貳  
法眼成海女成海坊官法師也成海父生  
公達也是着織物萬人引比類尤不可為

例右京大夫大納言資賢孫也而父雖坊  
官不着織物依人異事也

中臈

內侍外不着織物類也是昔号余婦侍臣  
女已下也諸大夫良家下醫陰陽道等号  
中臈八幡別當女同凡一切者多中臈品  
也

下臈

諸侍賀茂日吉社司等女也皆稱候名也  
不及國名但其內宿老者或賀茂祭為命

婦渡後或國名或又候名有也是近代如  
此皆下薦藏人也但近代中薦品上品藏  
人多欵

凡女房上薦小上薦內侍外不入夜御殿  
朝餉內只中薦渡朝餉緣下薦不渡之不  
取御服於局著綵紫小袖帷事錦端席御  
座敷外不用事也

### 得選

三人也又髮上采女兼之近代華族過法  
而女房大略無差別氣色也行幸之時侍

大袋與內侍同車是不可然事第一也但  
不然者不可叶公平故無沙汰也凡於車  
寄乘車女房近代例也况得選不可然事  
也而行幸走內侍同車之時聽之近代事  
也

### 采女

陪膳采女尤可然事也近代漸零落無極  
尤可有沙汰事也陪膳采女典侍仰之應  
和例也節折藏人依神祇官申內侍宣也

刀自

肩御膳宿臺所各別也衣唐衣體也結中  
但近代只衣結中着唐衣是一向御膳彼  
者也

女官

臺所女官御裝束物沙汰不可口入供御  
但近日兼肩同類女官等許詔之時群參  
外無殊事御湯殿女官奉公物也無指俸  
祿尤不便他女官等如浮雲歛

主殿司

六人近代十二人華族幽玄送日添時今

不取侍臣脫沓裏無於殿上沓脫不入御  
殿而動臨除目申文撰定時進廣廂不可  
說事也申文撰之時藏人一人留殿上此  
藏人申文傳貫首例也近日藏人不知子  
細如此不可說主殿司美麗姿也公人內  
可稱神妙之職

女孺

近代不着衣只小袖唐衣也以丸道姿御  
殿調度觸手上下格子奉仕是藏人等如  
在不當故也御所中掃除指油等役女孺

所知也近代樣不可說動失 禁中禮召  
便所為家是寬平遺誠其一也尤可止云

院司

別當 執事 年預 殿上人 藏人  
非藏人 判官代 主典代 廳官

公文院  
掌等在

之 北面上下 雜色 召次所 仕所

別納所 御服所別當 御厨子所 進物所

文殿雜訴衆  
職事 寄人 所藏人  
所也 武者所

御隨身所九右侍曹  
九右番長  
九右近衛

御廐別當  
牛飼  
舍人  
車副  
后  
飼

女院

大略同右 但武者所隨身所無之

關白家大臣家大略同攝關但  
藏人所等無之近衛大將同之 別當 文殿

執事 年預 辨 別當 文殿別當  
開闔衆

藏人所 侍所 別當 御廐 別當 預 案主

御隨身所 別當 內舍人 九右 府生

家司 下家司 政所 別當 家司 勾當

御服所 進物所 膳部

僧官位

僧正 准參議

法印 法務 僧都 准四位 殿上人

法眼 律師 准五位 凡僧 准六位

諸寺三綱及八幡社官僧綱准地下五位

諸大夫

法印大和尚位 僧正 法眼和尚位 僧大都

法橋上人位 律師 傳燈大法師位 威儀師

傳燈法師位 從儀師 傳燈滿位 修行位

傳燈住位 准六位 傳燈入位 准七位

定僧綱位階事貞觀六年二月十六日太

政官府云法印大和尚位為僧正位法眼

和尚位為僧都位法橋上人位為律師位

者延喜之比給錢於僧綱之時僧都准四

位律師准五位給之

延曆十七年九月九日治部省解僧位與

俗位相當僧綱牒傳僧位有五階入位任  
 位滿位法師位大法師位即准此又無位  
 僧當八位入位僧當七位任位僧當六位  
 滿位僧當五位法師位僧當四位大法師  
 位僧當三位已上云云

僧正大正 僧都大正 律師正  
權 少 權

法印 法眼 法橋 謂之僧綱  
 已講 內供 阿闍梨 謂之有職

上座 寺主 都維那 謂之三綱

寺務 檢校 別當 座主 長者

長吏 執行 勾當 專當 豎者  
 注記等依寺不同

位署書式

官位相當者以官書上 不相當者以位書上位  
 貴官賤書行字官貴位賤書守字官位相當者  
 又書行字同列者書守行兩字之事高官上書  
 守字下官上書行字若有數兼官者以相當官  
 書上餘官皆雖高官為兼官若共不相當者書  
 官次第次第見職負令 相當官賤不相當官貴以相當

賤官可書上之有相當官無兼官不書行守字

令云凡位有貴賤官有高下階貴則職選叙令高位賤則任下官位相當各有等級

云凡任內外文武官云云而本位有高下者若

職事早為行高為守謂若以無位人任長上官者亦須注守也

近代不謂相當以京官書上京官之中以

文官為先以武官為次以外國為下欵隨

時可斟酌也

位署體先官次位

中納言從三位中納言從三位官也

九大辨從四位上大辨者從四位上官也

九少辨正五位下少辨者正五位下官也

行守位高官早者用之

正二位行大納言大納言者正三位官也

正四位下行九大辨大辨者從四位上官也

守守位早官高者用之

從三位守大納言大納言者正三位官也

從四位上守治部卿治部卿者正四位下官也

行守字共用事

從三位守大納言兼行春宮大夫大納言者正三位官也仍

有守字春宮大夫者從四位上官也仍有行守



相當官又有行字事

九近衛大將從三位兼守大納言行民部卿大將

者相當官也仍有上大納言者正三位也仍有守字民部卿者正四位下也仍用行字

同位官先文官事

權中納言從三位兼行中宮大夫右衛門督中宮

大夫右衛門督共從四位下官也九文右武之故以大夫置上也

外國不依相當在諸官下事

從五位下行中宮大進兼近江守大進者六位官也大國守

從五位上官也不依相當以外國為下

散位

四位五位無官之人用之歷受領之人者經數

官雖去之猶以本所歷之國守用之不用散位

字是未公文之受領也勘公文之前司用散位

字六位用散位字者文章生外國之後任限過

畢散位用之雖非文章生任諸國介掾之者任

限過之後可用散位

攝關書散位字事

堀河院和歌宴京極前關白被書散位從一位

近則後光明照院前關白同被用散位字後醍醐院

御時

醍醐院

必在位上事

攝政 關白 參議 別當 藏人頭 五位

修理宮城使 判官 造寺長官 同上 鎮守府將軍

施藥院使 內舍人 外國前司 未公文受

攝政太政大臣從一位 關白同之

參議民部卿正四位下兼行春宮大夫

民部卿者正四位下官也相當也  
春宮大夫者從四位下官也

十二階并四十八階

天武天皇十四年正月丁未朔丁卯更改

爵位之号

明大一位	明廣一位	明大二位	明廣二位
淨大一位	淨廣一位	淨大二位	淨廣二位
淨大三位	淨廣三位	淨大四位	淨廣四位
正大一位	正廣一位	正大二位	正廣二位
正大三位	正廣三位	正大四位	正廣四位
直大一位	直廣一位	直大二位	直廣二位
直大三位	直廣三位	直大四位	直廣四位

進大三位	進廣三位	進大四位	進廣四位
進大一位	進廣一位	進大二位	進廣二位
進大三位	進廣三位	進大四位	進廣四位
進大一位	進廣一位	進大二位	進廣二位
追大三位	追廣三位	追大四位	追廣四位
追大一位	追廣一位	追大二位	追廣二位
務大三位	務廣三位	務大四位	務廣四位
務大一位	務廣一位	務大二位	務廣二位
勤大三位	勤廣三位	勤大四位	勤廣四位
勤大一位	勤廣一位	勤大二位	勤廣二位

左右衛門尉各二十人

左右兵衛尉各二十人

左右馬允各二十五人

內舍人六十人 久安四年正月二十七日以  
藏人木工頭平範家仰外記

左右近衛中少將各四人并十六人宜為定數

其外闕不可取上者 保元元年正月二十  
九日院宣俊憲奉

左右衛門左右兵衛各二十五人

左右馬允各二十人

內舍人六十人永可為負數者 保元三年正月  
三十日以藏人

右少辨親範仰外記

官位相當略頭

太政大臣從一位	左右大臣是二位
大納言等正三位	太宰都督中納言
近衛大將彈正尹	以上皆是從三位
皇太子傳中務卿	以上正四位上也
式部以下七省卿	皆是正四位下官
近衛中將兩大夫	又是從四位上也
中宮春宮兩大夫	京職修理兩大夫
勘解由長神祇伯	彈正大弼按察使
太宰大貳已下等	衛門兵衛四府督

皆是從四位下官	中務大輔兩中辨
大膳大夫以下等	以上正五位上也
少弼少將兩少辨	七省大輔大判事
已上正五位下官	中務少輔大舍人
圖書內藏大學頭	雅樂玄蕃諸陵頭
主計主稅木工頭	內匠寮頭四府佐
左右馬寮兵庫頭	大國刺史以下等
從五位上皆一列	神祇大副侍從等
七省少輔文博士	中宮東宮兩職亮
縫殿陰陽大炊頭	主殿典藥掃部頭

太宰少貳齋宮頭	勘解由次齋長官
上國刺史大監物	從五位下皆同之
神祇少副大內記	左右大史大外記
中務大丞囚獄正	內膳主膳造酒正
彈正大忠兩市正	正六位上是相當
此外從六位下官	除目叙位不被載
其數細細無位記	相當略頌無益也
官位相當書樣者	先官後位是相當
先位後官不相當	位勝官劣書行字
高官下位以守字	

官位職負科目備令條雖載之  
 上古風儀輒難識量多端也而  
 今此鈔者外頭除書之體內含  
 令式之義而模周典之職配唐  
 官之名又述自中古準當時諸  
 家昇進旨趣殆如指掌也是以  
 挑華禪閣被加格言尤可謂官  
 位職掌之龜鑑者也爰中原職  
 忠欲錄梓之余需校讎因聚考  
 數本從其宜而已并可便覽者

七八科附其後

于崑慶長戊申夏四月蚯蚓出日

吏部少卿清原秀賢誌

延寶六戊午曆仲春六日染翰同廿三

騰寫畢

九宮掌紀氏辰





